

**EQIKKAANEO****Aningaasaateqarfiit aamma peqatigiiffiit ilaat pillugit inatsisip allanngortinneqarnissaanut inatsisit assigiinngitsut kunngip peqqussutaatigut Kalaallit Nunaannut atuutilersinneqarnissaannut missingiut**

Peqqussutikkut nr. 917, 15. december 1998-imeersukkut aningaasaateqarfiit aamma peqatigiiffiit ilaat pillugit inatsit (aningaasaateqarfiit pillugit inatsit), Kalaallit Nunaannut atuutilersinneqarput. Taassuma kingorna danskit aningaasaateqarfiit pillugit inatsisaat arlaleriarlugu allanngortinneqarpoq.

Naalakkersuisut Justitsministeria noqqaavigisimavaat, aningaasaateqarfiit pillugit Kalaallit Nunaannut inatsit nutarteqqullugu, ilaatigut Kalaallit Nunaanni aningaasaateqarfinnik aamma peqatigiiffiit ilaannik piginnittuiusut nalunaarsorneqartarnerat pillugu malittarisassanik eqqussinermut atatillugu. Tamanna tunngavigalugu Justitsministeria aningaasaateqarfiit pillugit inatsisip allanngortinneqarnissaanut inatsisit assigiinngitsut Kalaallit Nunaannut atuutilersinneqarnissaannut peqqussummut missingiummik suliaqarpoq. Piginnittuiusut pillugit malittarisassat saniatigut aamma aningaasaateqarfiit pillugit inatsisip Kalaallit Nunaannut atuutilersinneqarneraniilli aningaasaateqarfiit pillugit inatsimmut Danmarkimi allannguutaasimasut atuutilersinneqarnissaat siunertaavoq.

Inatsimmut allannguutit, peqqussummut missingiummi pineqartut ukuupput:

*Piginnittuiusut*

Pigineqatigiiffiit pillugit inatsisip, sulliviit inuussutissarsiutitut ingerlatat ilaat pillugit inatsisip, inuussutissarsiutinik ingerlatsisut aningaasaateqarfiit pillugit inatsisip aamma inatsisit allat assigiinngitsut allanngortinneqarnissaannut inatsit (piginnittuiusut pillugit nalunaarsuiffimmik eqqussineq) nr. 262, 16. marts 2016-imeersoq. Aningaasaateqarfiit aamma peqatigiiffiit ilaat,

aningaasaateqarfinnut piginnittuiusut pillugit paasissutissanik piniartarnissaannik aamma toqqortaateqartarnissaannik eqquassinisaaq annerusumik inatsimmi siunertaavoq, tassa imaappoq, inuit aningaasaateqarfimmik aqutsisut imaluunniit piginnittutut piginnaatitaaffeqartut pineqarput, tassunga ilagitillugit aningaasaateqarfiup siulersuisui aamma aningaasaateqarfiup pigisaanik agguaanermi inuit immikkut pissarsisartut, kiisalu paasissutissanik taakkuninnga Erhvervsstyrelsenip nalunaarsuiffiani nalunaarsuisarnisaaq pineqarpoq.

Piginneqatigiiffiit pillugit inatsisip, sulliviit inuussutissarsiutit ingerlatat ilaat pillugit inatsisip, inuussutissarsiutinik ingerlatsisut aningaasaateqarfiit pillugit inatsisip aamma inatsisit allat assigiinningsut allangortinneqarnissaannut inatsit (aningaasanik malunnarunaarsaasarneq malitassaaq 5.-p malitsigissanik piginnittuiusut pillugit malittarisassanik allannguineq) nr. 554, 7. maj 2019-imeersoq piginnittuiusut pillugit inatsimmi nr. 262, 16. marts 2016-imeersumi malittarisassanik ingerlatitseqqiernermit attuumassuteqarpoq. Inatsimmik allannguinnikkut piginnittuiusut pisussaaffilerneqarput noqqaasoqarneratigut piginnittuiunertik pillugu paasissutissiisarnisaaq, aammalu peqatigiiffinnut aamma aningaasaateqarfinnut piginnittuiusut pillugit nalunaarsukkani paasissutissanik allangortoqarsimaneranik ukiumoortumik misissuisarnissamut taakkununga pisussaaffiliisoqarluni.

#### *Allannguutit allat*

Katersisarneq il. il. pillugit inatsisip aamma aningaasaateqarfiit aamma peqatigiiffiit ilaat pillugit inatsisip allangortinneqarnissaannik inatsit (inuit inatsisitigut pisussaataaasut akornanni katersineq, teamentikkut iliuuseqarneq il. il.) nr. 81, 30. januar 2019-imeersoq. Malittarisassanik eqqussisoqarpoq, taamaalillutik aningaasaateqarfiit aalajangiisinnaangorlutik, kingornussassat aamma tunissutit, aningaasaateqarfiup testamentit imaluunniit tunissuteqarluni allakkat aqutugalugit tigusai, agguanneqassanersut imaluunniit aningaasaateqarfiup pigisaanut nuunneqassanersut, imaassimangippat kingornussassaqaartitsisoq imaluunniit tunissuteqartoq aalajangersagaliorsimasooq, qanoq kingornussat imaluunniit tunissutit atorneqarnissaannut.

Aningaasaateqarfiit aamma peqatigiiffiit ilaat pillugit inatsisip allangortinneqarnissaannik inatsit nr. 734, 25. juni 2014-imeersoq (aningaasaateqarfinnut mikinerusunut aningaasanut killigititaasup qaffanneqarnera, annertusisamik tunissutinik agguasinnaanermut periarfissaaq, aningaasaateqarfiit aamma peqatigiiffiit ukiumoortumik naatsorsuutaannik takunnissinnaaneq il. il.). Aningaasaateqarfiit aqutsisuisa attuumassuteqannginnissaannik piumasaqaatinik sukaterisoqarpoq, aamma siulersuisuniit ilaasortaajunnaarnermut piumaqaasaatit pillugit malittarisassanik eqqussisoqarpoq aammalu siulersuisunut ilaasortanik soraarsitsisarneq pillugu aaqqiissuteqartoqarluni. Tamakkua saniatigut inatsit allannguutinik arlalinnik imaqarpoq, periutsinik atuuttunik aaqquissuullugaasumik tulleriissaarineqarluni, soorlu siunnersuummi § 1, imm. 2-p aningaasaateqarfiup nassuiaataa aalajangersaraa. Tamatuma saniatigut inatsit, aningaasanut killigititaasumik qaffaanermik malitseqarpoq (aningaasaateqarfiup pigisai), qaqugukkut aningaasaateqarfiit inatsimmut ilaatinneqannginnissaanut tunngasumik. Aammattaaq inatsit aningaasaateqarfiit aningaasanik,

tunissutitut pisimasaanik, agguasaanermit periarfissaat pillugu malittarisassanik nutaanik imaqarpoq. Kiisalu aningaasaateqarfiit ukiumoortumik naatsorsuutaannik takunnissinnaanermut malittarisassat allangortinneqarlutik.

Kiisalu Justitsminiateriap aningaasaateqarfiit pillugit allannguutit ilannguppai, peqqussummut missingiussami pisortat ingerlatsinerat pillugu paasitinneqarsinnaatitaaneq pillugu inatsimmut siunnersuummi nr. 639, 12. juni 2013-imeersumi, pillaasarnermik inatsisip, eqqartuussisarnermik inatsisip aamma inatsisit allat allangortinneqarnissaannik inatsimmi (aningaasaqarnikkut pinerluttarnermut sakkortusisamik iliuuseqarneq) nr. 634, 12. juni 2013-imeersumi aamma eqqartuussisarnermik inatsisip aamma inatsisit allat assigiinngitsut allangortinneqarnissaannik inatsimmi (allannguutit nammineersinnaanngitsunik nakkutiginninneq pillugu inatsisip malitsigisai) nr. 389, 14. juni 1995-imeersumi allaqqasut. Kinguneqaataasutut allannguutit pineqarput.